



საქართველოს საავტომობილო გზების დეპარტამენტს

სამინისტრომ განიხილა თქვენი 2020 წლის 18 ივნისის N9057 წერილი, რომელიც ეხება ხარაგაულის მუნიციპალიტეტში, სოფ. ვერტყვიჭალაში უსახელო ღელეს კალაპოტში გამონამუშევარი ფუჭი ქანების N11 სანაყაროსა და წყალგამტარი არხის მოწყობის პროექტს.


გაცნობებთ, რომ გარემოზე ზემოქმედებას ექვემდებარება „გარემოსდაცვითი შეფასების კოდექსის“ I დანართით გათვალისწინებული საქმიანობა და ამავე კოდექსის II დანართით გათვალისწინებული საქმიანობა, რომელიც სკრინინგის გადაწყვეტილების საფუძველზე დაექვემდებარება გარემოზე ზემოქმედების შეფასებას.

„გარემოსდაცვითი შეფასების კოდექსის“ II დანართის მე-9 პუნქტის 9.8 ქვეპუნქტის მიხედვით, წყალდიდობისა და დატბორვის საწინააღმდეგო სამუშაოები, ექვემდებარება სკრინინგის პროცედურას და საჭიროებს კოდექსით დადგენილი პროცედურების გავლას.

თქვენ მიერ წარმოდგენილი განცხადების მიხედვით, დაგეგმილია სოფელ ვერტყვიჭალასთან უსახელო ღელეს კალაპოტში გამონამუშევარი ფუჭი ქანების N11 სანაყაროსა და წყალგამტარი არხის მოწყობა, ხოლო სკრინინგის განცხადებაში საქმიანობის სახეობის გრაფაში მითითებულია ინფრასტრუქტურული ობიექტების მშენებლობა, რაც არ შეესაბამება გარემოსდაცვითი შეფასების კოდექსის I და II დანართებით გათვალისწინებული საქმიანობების ჩამონათვალს. ამასთან, გასათვალისწინებელია, რომ სკრინინგის განცხადების წარმოდგენის საფუძველებში მითითებულია „გარემოსდაცვითი შეფასების კოდექსის“ II დანართის მე-9 პუნქტის 9.8 ქვეპუნქტი, რომელიც მოიცავს წყალდიდობისა და დატბორვის საწინააღმდეგო სამუშაოებს, თუმცა სკრინინგის ანგარიშში განხილული არ არის როგორც მოხდება დაგეგმილი საქმიანობის შედეგად დატბორვისაგან და წყალდიდობისაგან დაცვა.

აღნიშნულის გათვალისწინებით, გთხოვთ უზრუნველყოთ დაზუსტებული სკრინინგის განცხადების სამინისტროში განსახილველად წარმოდგენა.

ნინო თანდილაშვილი



მინისტრის მოადგილე

